

ԵԿԵՂԵՑԱԿԱՆ ԺԱՄԱՆԱԿԱՆ ԳՐԱԽԹԻՒՆ

ՀԱՅ ԵԿԵՂԵՑԻ

Կաթողիկոսական խնդրի առիթով մեր լրագիրները գրելիս, ընտրելի են համարում և վարդապետներին և քահանաներին և մինչև անգամ աշխարհականներին:

Մեր եկեղեցու 1600 տարուայ ամբողջ պատմութեան մէջ մի քանի դէպք կարելի է յիշել, որ աշխարհականութիւնից և քահանայութիւնից կոչուած լինեն ուղղակի կաթողիկոսութեան, սակայն այդ դէպքերն էլ չարաբաստ ժամանակի բացառիկ հանգամանքի հետեանք ենք, և ընտրեալները ստացել են հոգևոր աստիճանները օրինաւոր ձեռնադրութեամբ, մինչև Սահակ Պարթև՝ կամ Կեսարիայում կամ հայ հայրապետից, ինչպէս Ս. Արիստակէսը իւր հայր Գրիգոր Լուսաւորչից, իսկ անուհետեւ, հայրապետական ընտրութիւնների ժամանակ, հաւանօրէն, ներկայ եղող Աղուանից կաթողիկոսից ձեռնադրուել են եպիսկոպոս և ապա եպիսկոպոսներից օծուել կաթողիկոս:

Այժմ այդ բացառիկ հանգամանքները չկան, ուրեմն և կարիք չկայ շեղուել եկեղեցու դարերով սրբազործուած կանոնից: Հայրապետը ընտրուել է միշտ եպիսկոպոսական դասից, այս տեսակ գործողութիւնը կանոնաւորուել է և վերջնական ձև է ստացել հանգ. Ներսէս կաթողիկոսի ընտրութեամբ 1843 թուին: Այդ ժամանակից սկսած ազգի ընտրուած աշխարհիկ պատգամաւորների և իրաւատէր հոգևոր ներկայացուցիչների հայրապետական ընտրութեան համազգային ժողովում կարգացում է միայն ալքեպիսկոպոսների և եպիսկոպոսների անուանական ցուցակը, և այդ անուններից ընտրւում են հայրապետական աթոռի թեկնածուները: Այդ ցուցակից դուրս մնացած անձինք ընտրելի չեն: Այս ձևով կատարուել են Ներսէս Ե., Մատթէոս Ա., Գէորգ Դ., Մակար Ա., Մկրտիչ Ա. և Մատթէոս Բ., կաթողիկոսների ընտրութիւնները:

Աչքի առաջ ունենալով լրագրերի և հասարակութեան մէջ արծարծուող խնդիրը — որ վարդապետները, քահանաները և մինչև իսկ աշխարհականները կարող են կաթուղիկոսական ընտրելի դառնալ — Սինոդի պրօկուրորը դիմել է և ստացել հրահանգ ներքին Գործերի պ. նախարարից, թէ ինկատի ունելով հայրապետի վեհաստիճանը՝ հայրապետութեան ընտրելի կարող են լինել այն բաժրատաժան հոգևորականները, որոնք իրանց երկարամեայ պաշտօնավարութեամբ և վարչական ու եկեղեցական կարգերի հմտութեամբ օրոշ հեղինակութիւն են հանդիսանում, և դրանք են միայն արքեպիսկոպոսներն ու եպիսկոպոսները, վարդապետները, քահանաները ու աշխարհականները իրանց սովորական դիրքից յանկարծ հայրապետական աթոռ բարձրանալով՝ չեն կարող հեղինակութիւն հանդիսանալ յաչա հոգևոր ու աշխարհական պաշտօնեանեայի և ժողովրդեան, և հայրապետական բարձր իշխանութիւնը կը նսեմանայ:

Յոյս ունենք՝ թէ նախարարական այս բացատրութիւնից յետոյ կը դադարեն վարդապետների, քահանաների ու աշխարհականների թեկնածութեան մասին պնդումները՝ որոնք հիմնուած չլինելով եկեղեցական կանոնների, նուիրադործուած սովորութիւնների և վարչական հրահանգների վերայ, անհետևանք կը մնան:

4. Պօլսոյ ազգային երես. ժողովր մայիսի 6-ին.

Մայիսի 6-ին Ազգ. երես. ժողովում՝ դռնփակ կարգացուել է պատրիարքական Արքազան տեղապահի տեղեկագիրը ազգային վարչութեան գործունէութեան և յարարերական խնդիրների մասին. որոշուել է կարծիքների փոխանակութիւնը թողնել առաջիկայ նիստին:

Այս ժողովում դիւան կազմելու համար ընտրուել են

Ա. Տէնապետներ —

Ա. Մանուկ էֆ. Աղաբեան (կենդ.) 40 քուէ.

Բ. Հրանտ էֆ. Առատուր (անկախ) 44 »

Գ. Հայկ էֆ. Խօճասարեան (կենդ.) 37 »

Վերջին երկուքը կրկնաքուէարկութեամբ:

Ասեմադպիրներ

Ա. Օննիկ էֆ. Չիֆթէ — Սարաֆ. (կենդ.)	38 քուէ
Բ. Մարկոս էֆ. Նաթանեան (կենդ.)	34 »
Գ. Զարեհ էֆ. Խորասանճեան (կենդ.)	32 »

Վերջինը կրկնաքուէարկութեամբ:

Այսպէս դիւանի նախկին կազմը վերընտրուել է բացառութեամբ բ. ատենապետ Պարգև էֆ. Փափաղեանի և ա. ատենադպիր Աբրահամ էֆ. Տէր Յակովբեանի, որոնք բացարձակապէս հրաժարուել են ընտրելիութիւնից: Նախելով դիւանի կազմին բացառութեամբ մէկի, ամբողջովին կենդրոնական է: Քուէարկողներն էին 70 հոգի.

Վարչական ժողովների ընտրութիւն

Մայիսի 13-ին, ուրբաթ օրը դումարած աղդ. երեսփոխանական ժողովում 78 քուէարկուների մասնակցութեամբ (7 հոգի ձեռնպահ մնացին). ընտրուեցին.

Կրօնական ժողովի անդամներ.

1. Տ. Վահրամ արքեպիսկոպոս Մանկունի	68 քուէ
2. Տ. Գրիգորիս » Յովհաննիսեան	68 »
3. Տ. Գաբրիէլ եպս. Ճէվահիրճեան	68 »
4. Տ. Սմբատ ծ. վրդ. Գաղաղեան	66 »
5. Տ. Գրիգորիս ծ. վրդ. Բալաքեան	65 »
6. Տ. Վարդան քահ. Դերձակեան	65 »

Մնացեալները համեմատականի մնացին.

Քաղաքական ժողովի անդամ ընտրուեցին.

1. Պետրոս էֆ. Խորասանճեան	75 քուէ
2. Յակովբ էֆ. Ստամպուլեան	75 »
3. Պետրոս էֆ. Հալաճեան	71 »
4. Գալուստ էֆ. Դույումճեան	71 »
5. Ոսկան էֆ. Մարտիկեան	67 »
6. Լեօն էֆ. Տէմիրճիպաշեան	44 »
7. Յարութիւն էֆ. Մոսաթիճեան	43 »

8. Գէորգ էֆ. Ասլանեան	40	»
9. Գեղամ էֆ. Տէր Կարապետեան	40	»
10. Տօք. Տիգրան-պէյ Աճէմեան	40	»

Մնացածները համեմատականի մնացին.

Մայիսի 20-ին, ուրբաթ օրը գումարած ազգ. երեսփ. ժողովը համեմատականի մնացած ազգային վարչութիւնների անդամների ընտրութիւնը կատարեց 85 անձանց քուէարկութեամբ և ընտրուեցին

Կրօնական ժողովի նամար

Տ. Յովհաննէս արքեպիսկոպոս Արշարունի	52	քուէ
Տ. Ղևոնդ վարդապետ Դուրեան	45	»
Տ. Եղիաղար քահանայ Պօղոսեան	45	»
Տ. Աբրահամ » էպէեան	44	»
Տ. Հմայեակ » էքսէրճեան	42	»
Տ. Եղիշէ արքեպիսկոպոս Դուրեան	42	»
Տ. Գրիգոր քահանայ Ճեպէճեան	41	»
Տ. Յակովբոս » Տէլէճէկեան	41	»

Քաղաքական ժողովի անդամ

Արտաշէս էֆ. Ֆընտըքլեան	47	քուէ
Երուանդ » Խորասան	44	»
Գէորգ » Ֆէրհատ	41	»

Կրօն. և քաղ. ժողովները հաստատուել են մայիսի 24-ին դատական նախարարութիւնից.

Զինուորական եւ կրթական խնդիրներ

Այս խնդիրների առիթով Կ. Պօլսոյ հինգ պատրիարքարանների (յունաց, հայոց, հայ-հռոմէականների, Բուլղարների և քաղդէացոց) մէջ կազմուած համաձայնութեան համեմատ բարձրագոյն դրան թագրիրներ են մատուցուել. Հոգևոր պետերի այս համաձայնութիւնը դժգոհութիւն է առաջ բերել թուրք շրջաններում.

Հողային խնդիրը զուտ հայոց վերաբերեալ լինելով համաձայնութեան կէտերի մէջ չէր կարող լինել.